

The Ying Hwán Chi Liok, or
General Survey of the Maritime Circuit,
a Universal Geography.

By Lü Kí-yü. Gov. of Fukkien
1848.

Vol. II.

India. Mohammedan Countries

Book 3


III-1



Folio
PL2724
.H86
v. 2

Chi-yü Hsü

Ying huan chih lüeh



五
印
度
圖

前藏

後藏

後藏

拉布達

倫札

阿里

江布藏魯雅

格倫

丹不即巴克魯布

哲孟雄

喀爾廓即爾泊尼

密薩阿

德夷

株夷

爾哈巴

拉加孟

各加爾

刺哈阿

亞岡那都

薩荷黎

緬甸

那哥

耳加爾西北

海度印

五九
三
三
三



一五

印

度

舊


圖

米利堅
人繪

前藏

後藏





爾米什克

懷勒

信爾布阿

離聶

拉他布士勒爾

拉各爾阿

訥

特板哈抄

窪爾馬

士勒甘

爾勒彌

納窪

鹽

蠻拉爾特海

爾若買

薩拉打

的納噶

天竺

瀛環志略

卷三

四庫全書

四

五印度

緬甸之西兩藏之西南有廣土突入南海形如箕舌所謂印度者

也。漢書謂之身毒又稱天竺六朝以後釋典皆稱印度今稱溫都

斯。坦一作痕都又作忻都又作興都身毒印度溫都痕都忻都

與都本一音以華文譯之遂印度有五地形入海之處為中南兩

人人殊凡外國地名皆類此印度東印度東界緬甸北連後藏北印度雪山拱抱東為後藏之

邊徼西為西域之札布即布哈爾東南部落西印度跨印度河與西域之阿

富汗俾路芝接壤東西約五千餘里南北約七千餘里境內各水

二東曰安額河發源西北東南流至孟加拉雅魯藏布江從東北

來會之入海印度人稱為聖水佛書所謂恒河者也西曰印度河

發源後藏之阿里西行繞雪山之背至北印度之西北界轉而南

行北印度諸水會之。至信地入海。此外西有逆埔他答地。諸河南有莪他。惟利吉那加。惟利諸江北境倚雪山。南境沿海有連山環繞。中間數千里皆平土。西北界有沙磧。餘多沃壤。迤北寒暑適平。迤南近赤道。炎歊特甚。土宜五穀。宜棉花。宜鶯粟。花山水之所產者。金剛鑽。黃玉。寶石。青精。瑪瑙。明珠。珊瑚。藥材。香木。海味。又產獅子。馴象。大鳥。其人多黑面。青唇。迤北稍皙。迤南黑甚。以白布裹頭。故粵東呼爲小白頭國。地本雕題。種類貴人。額塗日光。花卉或以粉點面。如星。庶人額刺紋。胷臂勢烙卦畫形。皆雕題遺俗也。男裸上體。耳掛環。下著圍裙。女加上衣。穿耳。鼻掛金銀環。臂脛俱帶釧。鐲。人習技巧。金漆雕鏤皆精絕。所製玉器薄如蟬翼。其地爲佛教所從出。故

自古著名。自後漢通中國。唐時屢入貢。趙宋時爲回部所侵割。元起北方。括地西南。太祖征服西北印度。世所傳遇角端而迴兵者。至憲宗朝。復征服中印度。以宗王駙馬分王其地。東南諸部皆聽役屬。由是五印度爲蒙古別部。元末駙馬帖木耳王撒馬兒罕威行西域。印度諸部皆臣服。明嘉靖間。撒馬兒罕別部莫臥爾攻取中印度。地立國。勢張甚。力尙回教。黜佛教。蒙古在葱嶺西者至元末皆入回教諸部皆納貢爲藩屬。久而陵夷。弱肉強食。時時構兵。先是明宏治八年。歐羅巴之葡萄牙航海至印度西南界之孟買。開鑿海港。建立城邑。市舶通行。以此致富。荷蘭忌之。以兵船相攻。亦攘其地。立埔頭。設公班衙。擅印度海之利權者數十年。迨英吉利東來。驅除兩國。

而有其地。佛郎西亦於南印度之東界立埔頭。康熙七年英吉利在東印度之孟加拉買地建館築炮臺造屋七十所。帆檣雲集百貨流通。埔頭日益富盛。乾隆十七年孟加拉酋長毀其居囚其人。英人以大兵攻之。遂滅孟加拉。乘勝兼南中諸部。諸部合縱禦之心力不齊。紛紛潰敗。有爲英所滅者。有聽其置吏。僅擁空名者。有受役屬爲藩國者。由是五印度全土歸英轄者十之七。僅餘西北數部尙未服也。英人於沿海立藩部三。曰孟加拉。曰麻打拉薩。曰孟買。內地立藩部一。曰亞加拉。

余嘗見米利堅人所刊地圖。五印度共二十餘國。在東者曰孟加拉。曰麥哈爾。曰尼泊爾。曰阿力色。在北者曰克什米爾。曰勒

懷曰威聊曰烏訥曰聶離在中者曰阿爾各拉曰阿拉哈板特
曰工窪納曰馬爾窪在南者曰甘勒士曰彌勒爾曰海特爾拉
蠻曰麻打拉薩曰噶納的曰孟買在西者曰爾勒士布他拉曰
阿布爾信據米人雅裨理云此係五印度舊部落之名自英吉
利據印度後有分析有改革與此圖不同後見英人所刻五印
度圖與米利堅圖全不同地名繁簡亦異地既屬英當就英圖
立說附米圖於後以資考核

孟加拉

或作旁葛刺又作網
加拉又作孟加臘

印度極東之地其會城曰加爾各搭

或作甲
谷他

在安額支河之濱溝壕深廣城垣鞏固城內館舍閎敞達

衢矢直高樓對起皎如白雪城外萬艘鱗集百貨所萃富盛爲五

印度之最英吉利有大酋統轄印度全土駐於此城額兵英軍三

萬土軍二十三萬謂之敘跋兵文職皆幼年從英國來學習土語

職以洊升祿甚厚加城之東有城曰勢他加織工所萃布帛山積

昔為孟加拉大酋駐札之地轄三部西北曰巴哈爾一作八拿郎

爾西南曰岡都亞那即米圖之工窪納西南濱海曰痾黎薩一作八拿力

力巴哈爾戶口繁密人多造硝種鶯粟青靛又種玫瑰醪醢造香

露痾黎薩佛教最盛之地也○阿薩密一作阿三又作亞桑又名微地在孟加

拉之東北緬甸之西北前藏之東南距雲南邊徼不遠西北與布

魯克巴相連東西約一千一百里南北約五百里北面高山綿亘

迤南平衍膏腴雅魯藏布江由兩藏來折而南下經此土西行入

孟加拉地本土夷部落俗崇佛教。英人既取孟加拉。溯藏江漸拓而東。遂據其地。立爲別部。會城曰若爾合德。其土宜茶。近年英人試種。每歲得二十餘萬觔。性寒劣。飲之多作泄。阿薩密不在五印度界內。因英人由

東印度跨割與孟加拉藩部相連。故附記於此。

按西藏志。布魯克巴之東。工布之南。爲戳裸烏魯爾兔族。稱爲貉猢野人國。其種人名老卡止。嘴割數缺。塗以五色。穴室巢屋。獵牲爲食。阿薩密之東北境。卽在貉猢稍南。東與雲南騰越徼外之猢夷。怒夷相接。其未與前藏接壤者。隔於貉猢與布魯克巴。未與滇省接壤者。隔於猢夷。怒夷。然距兩處邊界。均不甚遠。

麻打拉薩。

或作馬搭刺。又作曼噠喇薩。又作馬達拉斯大。

在孟加拉之西南。城建於海濱。

沙坡之上。波潮衝激。登岸最險。英人設會城於此。專為控扼南方。

其人面多純黑。肢體便捷。工百戲。部名曰加爾那的。即米圖之轄

五部。迤北曰北西爾加耳。一作西令迤西曰巴拉加。一作北西南

曰哥英巴都爾。一作班再西曰馬拉巴爾。一作骨再西濱海曰加

那拉。一作骨北西爾加耳。本印度大國。嘗募兵欲逐英人。英人進

攻割其國三分之一。嘉慶三年再構兵為英所滅。巴拉加城建山

頂。路惟蜿蜒一綫。一夫可以當關。哥英巴都爾炮臺堅固。街衢方

廣。內有故王之宮。英所滅也。屬邑曰撒林。民多織布造硝。馬拉巴

爾山嶺崎嶇。為流徙罪人之地。加拉那沿海一綫。其城內萬厦整

潔。頗稱饒裕。麻打拉薩之南。有本地治里城。一作奔的支黎為佛

郎西埔頭。未能辟土。止據一城而已。

孟買

一作網買。粵東稱為港脚。

在印度西界沿山傍海。地形狹長。其民勤於生

計。供太陽火神。死者不葬。以鮑鳥鳶。明初葡萄牙初開海港。建設

埔頭。康熙初年。為英人所奪。其地所產者。棉花胡椒椰子珊瑚之

類。海船甚巨。有載二萬二千五百担者。粵東最大之洋艘。皆從港

脚來也。部名曰疍隆加巴。

一作亞麥大巴。

舊有回部大城。居民逾十萬。遭

地震而殘毀。故以孟買為會城。轄三部。東北曰根的士。

即米圖之甘勒士。

西北曰古塞拉德。南曰北曰不爾。孟買之北海濱。舊有蘇疎城。昔

為商賈雲集之地。城內有禽獸院。養犬牛之老邁者。自市舶移於

孟買。此城日益蕭索。根的士界內有埔拿城。本馬刺他之都城。

米圖。

作馬爾窪一作馬盧襪

嘉慶年間英人滅之其地產鴉片最多北日不爾之

南濱海有地名疍襪

一作俄亞

俗稱小西洋長一百二十里濶六十里

明正德五年葡萄牙取之建城設險役屬鄰藩自葡萄牙衰而其

地貿易亦微又荷蘭有城在海濱曰可陳

一作固貞

近年亦為英人所

取

亞加拉

米圖作亞爾各拉又名額納特珂克

在五印度東西適中之地元時蒙古初

據印度全土以此為都城所謂中印度也殿閣宏整百官之署畢

具城內有塼陟其頂可周視九十里城外有蒙古故王塚亦作塼

形週圍數十丈工作極奇麗城四面築炮臺俱扼形勝民皆回回

不崇佛教舊時本大都會自蒙古衰廢荒殘久矣近年生聚漸繁

貿易復盛。道光十三年。英人於其地立藩部。稱為地內省。轄四部。

東南曰阿拉哈巴。

即米圖之阿拉哈板特

迤北曰德列。

即米圖之聶離

極北曰古爾

瓦勒。

即米圖之威聊

迤西曰亞日迷爾。

一作亞北得希

亞日迷爾。本回回大部。明

嘉靖五年。撒馬兒罕蒙古別部。

即莫臥爾

取其地立國。歷二百三十餘

年。當其盛時。印度諸國皆入貢。後權臣專政。四鄰內侵。國王孱弱。

不能自立。乾隆二十五年。求援於英。英師未至。王已為敵所虜。瞿

其曰。使自尋導者。以為笑樂。英人以勁兵破敵。乃免。然從此地歸

英。轄王僅居宮殿。食俸糈。足以養其宗族而已。

按五印度別國埔頭。尚有數處。屬佛郎西者。本地治里之外。曰

加黎架爾。

在加爾那的部內

曰牙那安。

在北西爾加耳部內

曰商德爾那哥耳。

在孟

加拉巴在馬拉巴屬葡萄牙者。病磯之外。曰達蒙。在古塞

內曰的玉。曰奔達。曰加那哥納。曰比這靈。曰薩達利。曰比爾凝。

曰阿斯德拉加爾。曰巴黎。曰英巴爾。曰順達拉瓦的。曰加

哥刺。皆海濱小聚落屬噠國者。曰西林不爾。在孟加曰達郎給巴爾。在

爾那的大約不過一城一邑。或海濱一厘。藉以僑寓客商。居積

財貨。非裂其壤土而有之也。則亦不足著錄矣。

錫蘭。錫倫。西崙。僧伽刺。楞伽在南印度之東南。海中大島

也。周迴千餘里。中有崇山高阜。近海窪下。地多雨。多迅雷。山川靈

秀。花木繁綺。禽聲歡樂。風景足怡。林內多象。土人用之。如牛馬。居

民皆崇佛教。云佛生於此土。生齒繁多。穀不足仰食。印度諸部山

出寶石海濱出明珠。所產桂皮最良。勝於粵西。前明中葉。葡萄牙據錫蘭海口。立埔頭。尋爲荷蘭所奪。嘉慶元年。英吉利驅逐荷蘭。盡有海濱之地。時錫蘭曾殘虐失民心。其都城在海濱。名可倫破。英人屢進攻。內潰而亡。全島遂爲英有。英以大酋鎮守海船屯集之地。名停可馬里。

天下郡國利病書云。錫蘭山國。古狼牙脩也。自蘇門答刺順風。十二晝夜可至。其國地廣人稠。貨物多聚。亞於瓜哇。中有高山。上產鴉鵲寶石。每遇大雨。衝流山下。從沙中拾取之。隋常駿至林邑。極西望見焉。番語謂高山爲錫蘭。因名。相傳釋迦從迦藍與來登此山。猶存足迹。山下有寺。中貯釋迦涅槃真身及舍利。

子明永樂六年遣太監鄭和等詔諭其王亞烈若奈兒賫供器
寶旛布施於寺建石碑賞賜國王頭目有差亞烈若奈兒負固
不服擒之以歸擇其支屬賢者亞巴乃那立之十四年偕占城
瓜哇滿刺加蘇門答刺等國貢方物正統十年天順三年復入
貢云余嘗聞米利堅人雅裨理云錫蘭爲天竺本國今稱五
印度爲天竺乃世俗相沿之誤按後漢書卽以天竺爲身毒似
非以一島之名概全土雅裨理所云不知何所據也

五印度中東南諸國大半爲英所夷滅分隸四部尙有十餘國納
款稱藩僅存故號者英人各派大酋駐札代理國政○德干又名
尼桑一作尼散米圖作海特爾拉蠻乃其都在南印度腹地幅員
城之名又米圖之彌勒爾係其屬部

之廣爲中南諸部之最國無政而好戰民多怨畔四鄰并侵英人助以兵力乃免於亡遂降於英爲屬國其地天氣炎熱物產豐饒風俗邪淫最甚地分五部曰海德拉巴米圖作海特爾拉蠻其都城也曰比

德爾曰比拉爾

米圖作彌勒爾

曰亞瓦郎加巴

曰北乍不爾

○那哥不爾

一作納不邦

在德干之東北幅員半之素以盜劫爲俗飛騎四出剽掠

諸鄰英人力征降之今爲屬國其都城與國同名所屬通商之地

曰罷架爾曰郎德各曰昭布爾曰拉登不爾曰馬合罷曰列不爾

曰古達曰威拉合爾

○刺曰不德

卽米圖之爾勒士布他拉

又名澳地在西印

度幅員遼濶西境沙磧居多東境土田最沃江河足資灌溉舊本大國夙稱富饒以力不敵而降英地分九部曰日宜不爾曰哥達

曰奔的曰痢代不爾曰入德不爾曰當克曰日薩爾迷耳曰比加

尼爾曰巴的○賣索爾一作買素又作邁蘇耳即米圖之買若爾在南印度南界素稱

強國地多沃土農功甚力其王好戰侵伐四鄰連年不息英人力

戰取其地散其兵乃降為屬國都城與國同名所屬通商之地曰

邦加羅爾曰幾那巴登曰幾德爾德拉克曰賽拉曰哥刺爾○烏

德米圖作烏訥西藏稱為盆烏子在東印度北境與尼泊爾為鄰力不敵英降為

屬國都城曰盧各腦所屬通商之地曰非薩巴爾曰幾拉巴曰巴

來支曰丹達○西林德在北印度隆德勒至河之左本塞哥國左

部降於英為屬國地分四部各有酋長曰巴的亞拉曰達內薩爾

曰拉的亞納曰翁巴拉○邦德爾干波保爾曷爾加那皆中西印

度小國與新的亞犬牙相錯。孱弱不能自立。降附於英。○日瓜爾。又名古宜加瓦爾。在西印度西南隅。三面懸海。素以寇掠爲俗。印度人稱爲賊渠。爲強敵所迫。降於英。都城曰巴羅達。一作巴羅他○薩達拉英之屬國。在德干之西南。都城同國名。所屬通商之地曰馬合比里。昔爾曰美黎至。曰般德爾不耳。曰合達尼。○達拉王哥爾亦英屬國。在南印度極西南海角。都城曰的里彎德梭。所屬通商之地曰達拉王哥爾。曰波爾架。曰固蘭。曰安任加。○哲孟雄。一作雄者木在東印度北境。介尼泊爾布魯克巴之間。北連前藏壤地最狹。人戶止五六千。降於英。爲屬國。○此外中西印度尚有數小部皆屬於英。

按印度中東南諸部皆已屬英。內德干等十餘部因納土歸降。未夷九縣。然各國皆有英。曾駐札代理國政。名號空存。塊然守府。介於若存若亡之間。亦終歸於絕滅而已。

布魯克巴

一作不丹

在前藏之正南。其北境與前藏之帕爾接壤。東南

界英人新闢之阿薩密。西南界孟加拉。西界哲孟雄。與孟加拉東西約一千五六百里。南北約六七百里。爲紅教喇嘛總持之地。與兩藏之奉黃教同舊。分布布魯克噶畢兩族。雍正年間兩族相仇殺。先後赴藏投誠。貝勒頗羅鼐爲和解之。各遣使奉表貢方物。後噶畢合於布魯克爲一國。其地時序和平。類中國遠勝。兩藏土田肥沃。湖河交貫。五穀蔬菜瓜果皆宜。戶口極繁。產棉花大黃黑金紋。

石地分二部曰德白拉乍

卽布魯克巴

曰比斯尼

卽噶畢

都城在德白拉

乍曰達西蘇敦

西藏志作札什曲宗乃國王避暑之地

西藏喇麻

往來五印度率取道於此

按布魯克巴在廓爾喀之東中間僅隔哲孟雄一小部泰西人地圖附見於五

印度而其書則別稱爲不丹國不列五印度諸國之中蓋其地勢偏東不在五印度界內也今附錄於此

廓爾喀

一作庫爾卡

本名尼泊爾

一作尼巴爾又作尼博拉

又稱巴勒布

一作巴爾布或

稱白布廓爾喀乃其別部城名當孔道而貿易繁故其名獨著猶

西域浩罕之稱安集延也在東印度北境東西南皆界英人孟加

拉亞加拉屬部東界哲孟雄北境毘連後藏東西約一千六百里

南北約四百里舊分葉楞布顏庫庫木三部雍正九年各以金葉

表文貢方物後併爲一國乾隆五十六年侵擾後藏陷札什倫布

大掠而去。相國福文襄公率索倫勁旅征之。懸軍深入。累戰克捷。逼其都城。先是英人旣滅孟加拉。東印度諸部皆降。獨廓爾喀血戰保疆。未遭蠶食。且數數攻英屬部。至是英人聞中國進兵。亦興兵擾其邊。廓夷震恐。赴大軍乞降。獻還所掠。并獻首禍沙馬爾巴之戶。

詔許其內附。五年一貢。由四川北上。其北境連雪山。淩摩霄漢。終年積雪。土肥沃。產二麥黍稷。各豆甘蕉棉花丹參肉蔻。其人短身強狠。多力。戶口約百餘萬。嘉慶二十年。與英人交訐。構兵累年。近年復相攻。互有勝負。其國亦雕題種類。彩衣塗額。與印度諸部同。面色尙不甚黑。俗崇佛教。紅黃喇嘛趾相錯。惟不能操大權。國分九部。曰

尼泊爾首城名加德滿都

一作甲曼土又作陽布

其國都也曰念四汗首城

名廓爾喀曰念二汗首城名齊伊利曰馬各王不爾首城名同曰

幾拉德斯數酋分據首城非一曰加當首城名希當曰札言不爾

首城名同曰薩巴帶首城名那刺加利曰麼隆首城名那刺加利

爾

按廓爾喀地形狹長幅員非廣當英吉利破滅孟加拉席卷長

驅諸部望風瓦解獨廓爾喀自保疆圉不失寸土其陰鷙多謀

習於戰攻實爲印度諸部之最然輔車無鄰獨支大敵亦岌岌

之勢矣

廓夷稱英人屬部爲披楞又稱爲里底

西藏志附錄稱距後藏塞爾地方十日程係白木戎界管九部

曰納噶爾汗曰雜納曰餘隆巴曰拉不立曰額郎紬曰隘巴曰
立巴曰雜不立其地稱爲小西天東與朱巴連界南至大西天
盆烏子西至白布北至後藏曰蓋子又云由白木戎西去十日
交大西天界再行十日始到小西天不爾牙王子住處從此上
船由海中行半月卽至大西天云余按大小西天本番僧夸
誕之稱大約以印度之東北一帶爲小西天而餘則稱大西天
與前後藏接壤者東有布魯克巴西有廓爾喀中間止有哲孟
雄小部別無大國此所云白木戎東至朱巴朱巴不知爲何地
西至白布白布實卽廓爾喀南至大西天盆烏子似卽廓爾喀
南隣之烏德然則所云白木戎者仍卽白布仍卽廓爾喀耳兩

藏與印度。以雪山為界。雪山嶽寄谿衍。中藏川谷。原非一帶齊截。橫亘如垣。中間夾雜之番戎小部。容或有之。然斷無極大部。落而人皆茫昧之理。又所云白木戎。行二十日至不爾牙。上船入海。至大西天。云云今攷印度東界入海之處。惟孟加拉最近。此所云不爾牙。應卽是孟加拉。由廓爾喀至孟加拉。約千餘里。似白木戎之為廓爾喀。無可疑也。至番部地名。本多恢詭。重譯之餘。言人人殊。固亦不足怪耳。

塞哥。

一作悉國。又作西刻。

北印度大國。西域稱為克什米爾。

一作加治彌爾。又作加支迷爾。

又作夾乃。其別部之名。

其國自古以此部為國名。新唐書謂之箇。失密。又謂之迦溼彌羅。宋史謂之迦溼彌。

勒元人謂之乞石迷耳。皆克什米爾之轉音也。

猶尼泊爾之稱廓爾喀。浩罕之稱安集延。

也。東北雪山環抱。與後藏西徼毘連。西北隅接西域之札布。西界
阿富汗俾路芝。西南界信地。東西約千里。南北約二千五百里。其
地時序和平。山水明秀。沙磧雖多。而上田極沃。農功甚勤。戶口約
三百萬。商賈善於行遠。西域回疆後藏處處有之。國舊分左右部。
以隆德勒至河爲界。河左之西林德部。已降英吉利爲屬國。餘諸
部皆在河右。各有酋長。不相統屬。乾隆末。勞爾卽刺合酋長林日星
兼并河右諸部爲一。又逾印度河。割阿富汗數城。繼立之王尤雄
武。以歐羅巴人爲將。戰勝攻取。四鄰畏服。道光十九年。王卒。宗孫
嗣立。信任讒佞。大棟旁落。國勢頓衰。先是英吉利攻滅孟加拉。乘
勝脅降諸部。值塞哥兩世得賢主。國治兵強。故英人止戈修好。未

嘗措意至是昏庸在位間隙可乘遂連年大舉深入侵略其疆土過半其所失爲何部尙未得其詳也國分九部首曰本若都城建於拉維河岸曰勞爾一作刺合米圖作勒懷貿易繁盛爲通國大都會曰固

宜斯丹首城名拉德如爾曰克什米爾首城同名曰着這首城名

亞德各曰亞薩勒曰北朝威爾曰幾爾加爾不耳曰木耳丹曰勒

亞曰德勒義斯馬伊爾汗曰德拉合西汗曰巴合瓦爾不耳首城

皆同名道光二十年粵東譯出英人新聞紙有英軍攻阿付顏尼我羅斯約木哈臘欲取阿付顏尼之說意在爭北印度也

二十六年傳聞英人用兵於北印度有取得西刻之加治彌爾與

後藏接壤欲赴藏通市之說西刻卽塞哥加治彌爾卽克什米爾

據西人所刻地圖克什米爾在塞哥極北界英人果割地至此則已拊塞哥之背不止喪地實多抑且危如朝露矣

新的亞一作新在中印度地形曲折迴環與英人屬部屬藩交錯

素以剽掠為俗。飛騎出沒。屢與英人構兵。地分三部。各有酋長。不

相統屬。曰亞加拉。

亞加拉舊都已為英屬此蓋其西南部落

首城名瓜利爾。其王都也。

曰干德宜。至首城名不郎不爾。曰馬盧襪。

即米圖之馬爾窪一作馬刺他其都城已為英

屬此蓋其東北部落

首城名疍日音馬盧襪為鴉片總聚之地。每年運出二

萬餘箱。

信地。

即米圖之阿布爾信

在西印度極西南隅。北界塞哥。西界俾路芝。南臨

印度海。印度河由此入海。南北約千里。東西約五百里。都城曰海

德拉巴。其國未歸英轄。

按以上五國。惟布魯克巴偏東。不在五印度界內。然東西南三面皆介英人新闢之土。亦可危也。廓爾喀強悍。能自立且狡焉。

思啟實英人東面勅敵塞哥地大兵強新的亞剌輕善戰信地
遠在邊隅勢異魯縞又逢弩末故三國微幸未亡也然近年塞
哥境土已亡失過半而新的亞包括英土之中四面受敵臥榻
之旁難容鼯睡安陵之能否獨存尙未可知倘竟不支則脣亡
之信地取之有如拾芥五印度之全爲英有固意中事耳前藏以布
魯克巴爲屏蔽後藏以廓爾喀爲屏蔽
兩部藩籬一撤則兩藏直與之接壤矣

五印度在亞細亞一土正當午位北面雪山綿亘南境斗入溟
渤袤延蓋萬餘里漢武帝欲由身毒通大夏斷匈奴右臂西南
夷之役由此而興然單車之使卒未能度恆河卽安河而西發東
漢時顯宗求佛法始一遣使由是漸通朝貢唐代往來尤頻數

北宋時亦屢來貢獻。元太祖起於漠北，未削金源，先開西土。由印度之西北轉戰而南，憲宗繼之。五印度遂全歸囊括。亘古蠻荒之域，使以鞭箠顏行，莫逆功烈，可謂奇矣。惜乎有其土，莫能變其俗。宗王國戚遠授蠻封，魑髻踞囂，佗自泰迨元政，旣衰聲靈，隔絕諸部之酋。雖強半蒙古苗裔，而與昔日之蠻荒亦無大區別也。歐羅巴諸國之居印度，始於前明中葉，倡之者葡萄牙。繼之者荷蘭、佛郎西、英吉利，皆以重貲購其海濱片土，營立埔頭。蠻人憤憤不察，萌芽英吉利，漸於各海口建立炮臺，調設兵戍，養銳蓄謀，待時而動。迨孟加拉一發，難端遂以全力進攻。諸蠻部連雞棲桀，等於拉朽折枯。於是五印度諸部夷滅者十

八九哀哉英人自得五印度。權稅養兵。日益富強。其陸地與西藏之南界。滇省之西界。雖壤地幾於相接。而梯度繩懸。往來不易。水程則自孟加拉至粵東兼旬可達。邇年英人貨船自印度來者十之六七。昔日之五印度求疏通而不得。今日之五印度求隔絕而不能。時勢之變固非意料所及矣。

英吉利印度埔頭。孟加拉最盛。孟買次之。麻打拉薩又次之。英吉利本國商船與歐羅巴諸國之船。每歲往來以數千百計。其稅銀每歲得千餘萬。養兵太多。支銷之外。所餘亦無幾。

中國之布。從前皆以麻織。自元太祖征印度。乃得棉花之種。

棉花

初稱吉貝

流傳中土。至今衣被九州。功駕桑麻之上。其利溥矣。乃鴉

片之毒亦出於此五印度諸部。皆產此物。而最多者爲馬刺他。
川南滇西地近印度。鴉片分兩種。成團者爲大土。其價昂。聚於故亦有栽種鶯粟者。
孟加拉麻打拉薩。成片者爲小土。其價廉。聚於孟買。五印度貨物。惟棉花鴉片最多。近年竟以鴉片爲主。每歲出運數萬餘箱。宇宙浮孽之氣。乃獨鍾於佛國。何其怪也。

回疆葉爾羌等城。時有克什米爾。溫都斯坦。兩處之人。往來貿易。西域間見錄。謂兩部皆回部大國。由葉爾羌南行六十餘程。至克什米爾。又四十餘程。至溫都斯坦。以今攷之。克什米爾卽塞哥。爲北印度大國。溫都斯坦。則五印度總名。部落旣多。西域不能辨識。自克什米爾之外。概稱爲溫都斯坦耳。又云。兩廣福

建之物。往往由溫都斯坦販至回疆。此無足怪。溫都斯坦之孟加拉孟買。皆英吉利大埔頭。閩粵之貨山積。由兩處至回疆。皆商賈通行之熟路。轉運固甚便矣。

謝清高海錄云。明呀喇。卽孟加拉土番有數種。一曰明呀哩。一曰夏

哩。一曰吧藍。美明呀哩種較多。而吧藍美種特富厚。明呀哩食牛不食豬。夏哩食豬不食牛。吧藍美則俱不食。富者衣食居處。

頗似英吉利。以華麗相尙。貧者家居俱裸體。以數寸寬幅布圍其腰。又自臍下絆至臀後。以掩下體。男女皆然。謂之水幔。此與巫來

由風俗相同

出門所圍布幅稍寬。有吉慶則穿長衣窄袖。其長曳地。

用白布二丈纏其頭。以油徧擦其身。所居屋盡塗以牛糞。俗以

片之毒亦出於此五印度諸部。皆產此物。而最多者爲馬刺他。

川南滇西地近印度故亦有栽種鶯粟者

鴉片分兩種。成團者爲大土。其價昂。聚於

孟加拉麻打拉薩。成片者爲小土。其價廉。聚於孟買。五印度貨物。惟棉花鴉片最多。近年竟以鴉片爲主。每歲出運數萬餘箱。宇宙浮孽之氣。乃獨鍾於佛國。何其怪也。

回疆葉爾羌等城。時有克什米爾溫都斯坦兩處之人。往來貿易。西域間見錄。謂兩部皆回部大國。由葉爾羌南行六十餘程。至克什米爾。又四十餘程。至溫都斯坦。以今攷之。克什米爾卽塞哥。爲北印度大國。溫都斯坦則五印度總名部落。旣多。西域不能辨識。自克什米爾之外。概稱爲溫都斯坦耳。又云兩廣福

建之物。往往由溫都斯坦販至回疆。此無足怪。溫都斯坦之孟加拉孟買皆英吉利大埔頭。閩粵之貨山積。由兩處至回疆。皆商賈通行之熟路。轉運固甚便矣。

謝清高海錄云。明呀喇。

卽孟加拉

土番有數種。一曰明呀哩。一曰夏

哩。一曰吧藍。美明呀哩種較多。而吧藍美種特富厚。明呀哩食

牛不食豬。夏哩食豬不食牛。吧藍美則俱不食。富者衣食居處

頗似英吉利。以華麗相尙。貧者家居俱裸體。以數寸寬幅布圍

其腰。又自臍下絆至臀後。以掩下體。男女皆然。謂之水幔。

此與巫來

由風俗相同

出門所圍布幅稍寬。有吉慶則穿長衣窄袖。其長曳地。

用白布二丈纏其頭。以油徧擦其身。所居屋盡塗以牛糞。俗以

螺壳有文彩者爲貨貝。交易俱用之。娶妻皆童養。夫死婦不再嫁。鬻髮而居。各種不相爲婚。男子胸烙小印數處。額上刺紋。女人皆穿鼻帶環。吧藍美死則葬於土。餘皆棄諸水。有老死者。子孫親戚送至水旁。聚而哭之。各以手撫其尸。而反掌自舐之。以示親愛。徧則棄諸水。急趨而歸。以先至家者爲吉。明呀哩間有以火化者。更有伉儷敦篤者。夫死婦矢殉。先積薪於野。置夫屍於上火之。婦則盡戴所有金銀珠寶玩飾。繞火行哭。親戚亦隨哭極慟。見屍將化。婦則隨摘諸飾分贈所厚。而跳入火。衆皆嘖嘖稱羨。俟火化而後去。每歲三四月。羣聚賽神廟門外。先豎直木一。再取一木。度其長之半。鑿孔橫穿直木上。令活動可轉橫。

木兩端各以繩繫鐵鉤。二有數人赤身。以長幅布圍下體。手綰一籃。籃內裝各種時果。立其下。衆先取兩人。以橫木兩端鐵鉤。鉤其背脊兩旁。懸諸空中。手足散開。狀如飛鳥。觀者舉橫木推轉之。其人取籃中果分撒於地。羣爭拾之。果盡復換兩人。衆皆歡笑。不以爲苦也。得果者歸以奉家長及病者。以爲天神所賜云。土產棉花。鴉片煙。硝牛黃。白糖。海參。瑤瑁。訶子。檀香。鴉片有二種。一爲公班。皮色黑。最上。一名叭第。咕喇。皮色赤。稍次。皆華人所稱。烏土也。出於明呀喇屬邑。地名叭旦拏。卽八拿其出曼噠喇薩者。亦有二種。一名金花紅。爲上。一名油紅。次之。出馬拉他及盜叭哩者。名鴨屎紅。皆華人所稱。紅皮也。出孟買及啣肚者。

則爲白皮。○曼噠喇薩

卽麻打拉薩

在明呀喇西南。由葛支里沿海

陸行約二十餘日。水路順風約五六日。亦英吉利大埔頭有城。

郭其地客商多。阿哩敏番卽來粵戴三角帽者是也。土番名雪

那哩。風俗與明呀哩畧同。土產珊瑚珍珠鑽石銀銅棉花訶子

乳香沒藥鴉片魚翅玃梭。玃梭形如小洋狗。又有金邊洋布。

價極貴。一疋有值洋銀八十枚者。內山爲曉包補番。曉包補華

言大也。本回回種類其間國名甚多。○笨支里

卽本地治里一作房低者里

在曼噠喇薩西南。爲佛郎機所轄地。由曼噠喇薩陸行約四五

日。水行約日餘。卽到土產海參魚翅訶子棉花玃梭。○呢咕

叭當

卽海國聞見錄所云尼顏八達舊爲荷蘭埔頭

在笨支里西嶺介中。疆域甚小。土

番名耀亞

即繞阿一作爪亞

○西嶺又名咕嚕慕由笨支里水路約六

七日可到土番名高車子風俗與明呀哩畧同土產海參魚翅

棉花蘇合油

以上各地名皆東印度及中南印度東畔沿海各埔頭

○打冷莽柯

即達拉王哥爾

在西嶺西北順風約二三日可到疆域甚小土番極貧而性頗

淳良風俗與上畧同屬邑有地名咖補西洋客商皆居此土產

海參魚翅龍涎香訶子○亞英咖在咖補西北順風約五六日

可到土俗與上畧同土產棉花燕窩椰子訶子○固貞即可在陳

亞英咖西北順風約日餘可到本荷蘭埔頭近亦為英吉利轄

土產乳香沒藥魚翅棉花椰子蘇合油血竭砂仁訶子大楓子

○隔瀝骨底在固貞北少西順風約二日可到土俗與上同產

胡椒棉花椰子俱運至固貞售賣。○馬英在隔瀝骨底北少西。

順風約二日可到。為佛郎西所轄地。即馬黑風俗物產與上畧同。

○打拉者在馬英西北陸路約數十里。土俗與上同。產胡椒海

參魚翅淡菜。○馬刺他。即馬盧襪一作馬爾窪本印度大國英人滅之地產鴉片最多在打拉

者西疆域甚長沿海分為三國一小西洋一孟婆囉一麻倫呢。

為回回種類凡拜廟廟中不設主像唯於地上作三級各取花

瓣徧撒其上羣向而拜或中間立一木樵每月初三各於所居

門外向月念經合掌跪拜稽首土產棉花胡椒魚翅鴉片。○小

西洋。即俄亞在馬刺他西北境為大西洋。即葡萄牙所轄地土番名盈

丟奉蛇為神所畫蛇有人面九首者婚嫁與明呀哩同死則葬

於土。每年五月。男女俱浴於河。延番僧坐河邊。女人將起。必以
兩手掬水洗僧足。僧則念咒。取水醮女面。然後穿衣起。又有蘇
都。嚕番。察里多。番。咕嚕米。番。三種。多孟婆羅國人。西洋人取以
爲兵。其風俗與盈丟畧同。○孟婆囉。在小西洋北山中。由小西
洋順風約日餘可到。王都在山中。以竹爲城。風俗與小西洋同。
土產檀香犀角。○麻倫呢。在孟婆囉北。順風約日餘可到。風俗
與孟婆囉同。土產海參魚翅鮑魚。二國貨物多運至小西洋售
賣。○盎叭哩。在麻倫呢北。少西。順風約一二日可到。風俗與小
西洋畧同。土產瑪瑙棉花鴉片洋蔥。洋蔥之白寸餘。熟食味極
美。○孟買。在盎叭哩北。少西。相去約數十里。爲英吉利大埔頭。

有城郭。土番名叭史。顏色稍白。性極淳良。家多饒裕。土產瑪瑙。

大蔥。棉花。阿魏。乳香。沒藥。魚翅。鴉片。番鹹。棉花最多。○蘇

辣。卽蘇刺在孟買北。水路約三日可到。土番名阿里敏。物產同上。

○淡項。讀平聲在蘇辣北。水路約日餘可到。土產同孟買。○唧肚

在淡項北。疆域稍大。順風約二日可到。風俗與盎叭哩諸國畧

同。土產海參魚翅。俱運往蘇辣。孟買販賣。以上各地名皆中南印度西畔沿海各埔

頭。白曼噠喇薩至唧肚。土番多不食豬牛羊犬。唯食雞鴨魚蝦。

男女俱帶耳環。自明呀喇至唧肚。西洋人謂之哥什塔。一作戈什塔

中國稱爲小西洋。土人多以白布纏頭。所謂白頭番也。遇王及

官長。蹲身合掌上於額。過然後起。子見父母。亦合掌於額。平等。

相見亦如之。其來中國貿易。俱附英吉利船。本土船從無至中國。中國船亦無至小西洋各國者。○余按此錄所載。乃東中南三印度沿海大小各埔頭。其腹地國土疆域。謝清高均未涉歷。故不能言其詳。因其敘述諸番風俗物產。頗爲明備。故附錄於此。

印度爲佛教所從出。晉法顯。北魏惠生。唐元奘。皆遍歷其地。訪求戒律大乘要典。紀載特詳。其所謂恒河者。卽今之安額河。印度人稱爲聖水。諸佛菩薩羅漢繪塑之像。多裸上體。或耳帶環。脛束釧。乃印度本俗。至今未改。所衣袈裟。卽印度人外著之沙。郎僧人爲禮。合掌膜拜。亦皆印度土俗也。佛法自後漢入中國。

至南北朝而達摩航海東來。演教外別傳。緇流遂布滿中國。紅
衣喇嘛教起於烏斯藏。其地本毘連印度。至前明中葉宗喀巴
別唱宗風。演爲黃教。內外蒙古暨瓦剌各部靡然從風。其教可
謂盛矣。然自回教興於唐初。由天方漸傳東北。不特玉門以西
多花門種類。而佛法最盛之五印度亦大半舍牟尼而拜派罕。

派罕巴爾卽摩哈
麥回教之祖也

元起北方。最崇佛教。太祖憲宗取印度建爲

外藩。乃其地已半從回教。不特不能改革。而蒙古居其地者亦
改從回教。蓋自宋元以後。五印度佛教已不如回教之多。至今
日而印度各國備歐羅巴之東藩。又叅以耶蘇教而佛教愈微
矣。慧光照於震旦。而淨土轉滋他族物。莫能兩大想佛力亦無

如之何耶。

近刻有將巴社阿丹兩回國。稱為西印度。并極西之如德亞。亦

隸之西印度者。其說甚奇。不知何所本。五印度者。漢之天竺身

毒也。巴社卽波斯。漢之安息也。阿丹卽亞刺伯。漢之條支也。詳說

回部四國圖後如德亞卽拂菻。古羅馬之東境。漢之大秦國也。漢書列

安息爲一國。條支爲一國。大秦爲一國。天竺爲一國。今日皆西

印度。則是有天竺而無安息。條支大秦也。夫天竺自古之弱國

也。幅員雖廣。而怯懦不善鬪。西北諸胡取而代之者屢矣。東漢

時大月氏方強。嘗殺其王而置將。令統其人。唐時亞刺伯回部

方強。屢侵割其境土。趙宋時半爲回部所割據。至元明而五印

度全爲蒙古所囊括。是他國之兼有印度者。代有之矣。未聞印度之兼有他國也。漢書天竺傳稱月氏高附國。以西南至西海。皆身毒之地。或者因此傳會歟。高附不知爲今何地。其國介天竺。罽賓安息之間。大約在印度河左右。南至西海者。指印度海。非指地中海也。唐沙門元奘訪求釋典。遍歷五印度。各有紀載。其記西印度諸國。總不離印度河左右。而曰自此西北至波刺斯。非印度之國也。西北接拂懔。西南海島有西女國。並非印度境。波刺斯卽波斯。所謂巴社也。拂懔卽拂菻。泰西人稱猶太國其都城曰耶路撒冷轉音爲所謂如德亞也。如德亞之北曰西里亞。西女卽西里拂懔拂菻。之說世俗所附會也。元奘親歷其地。而斷其非印度境。今乃無端而隸之印度。義何

取乎如曰其國在印度之西不妨名爲西印度則葱嶺東西之
城郭諸國以及烏斯藏衛皆可名爲北印度滇池緬甸暹羅安
南真臘皆可名爲東印度乎廣印度於天下其意何居爲此說
者當代博雅名流或其別有所本而非予之所及知也書之以
質所疑。

海環志畧

卷三

印度以西國圖
部四國圖



印度以西回部四國

阿富汗

阿富汗尼士丹。愛烏罕。阿付顏尼。

回部大國也。北界布哈爾。東界印度。南

界俾路芝。西界波斯。東西二千餘里。南北千餘里。乾隆二十四年。

因拔達克山內附。屢貢良馬。其國本波斯東境。明正德初有巴卑

爾者。取喀布爾。

一作喀奔。

堪達哈爾。濟斯尼三城。自立為國。傳二百餘

年。至康熙中。波斯衰亂。阿富汗乘勢并兼。得其全土。越十七載。波

斯復興。那的爾沙既得國。

詳波斯傳。

盡銳東伐。滅阿富汗。那的爾沙死。

阿富汗王子亞美里沙收復故土。仍與波斯并立。乾隆五十四年。

王塞曼沙為弟馬慕所篡。國大亂者十餘年。北印度之塞哥。

一作悉國。

已詳五印度圖說。

與阿富汗隔印度河為鄰。阿富汗盛時。嘗渡河取塞哥。

邊地。俗傳愛烏罕滅溫都斯坦卽此事也至是內訌。塞哥勞爾部。塞哥都城一作勒懷已詳五印度圖

說酋長林日星收復河東地。并渡河割數城。阿富汗由是不振。近

年與英吉利所屬之印度西部構兵數年。講和而罷。其國介印度

波斯之間。天氣酷熱多雨。西界有沙磧。餘皆沃壤。俗事耕種。無游

牧。城池壯麗。戶口殷繁。勝兵數萬。軍器用烏鎗。長矛。腰刀。不習弓

矢。風俗與波斯同。土產鐵錫礬鹽。礪砂。硫磺。煙葉。棉花。阿魏。青黛。

丹參。甘蔗。地毯。○阿富汗分九部。首部曰喀布爾。一作喀奔其都城也。

地處平原。烟戶湊密。景象繁華。曰堪達哈爾。在國之東北隅。四面

皆山。亦大都會。曰哈。斯那。與上二部皆商賈輻輳之地。曰羅各曼。

曰日刺拉巴。曰維西。曰發來。曰都札克。曰伊隆達爾。

按阿富汗本波斯東境。前明中葉乃裂波斯數城自立爲國。前此固統於波斯。別無名號也。世多傳其兼并溫都斯坦。今攷溫都斯坦乃五印度總名。與阿富汗爲鄰者爲北印度之塞哥國。兩國本以印度河爲界。阿富汗嘗逾河而割塞哥之西境。迨後塞哥亦逾河而割阿富汗之東境。所謂疆場之邑一彼一此者耳。西域聞見錄謂敖罕與溫都斯坦地界毘連。各以威力相制。迭爲強弱。今攷與溫都斯坦爲鄰者。阿富汗之外別無敖罕國名。蓋阿富汗一作愛烏罕。愛烏合音近敖。遂誤以愛烏罕爲敖罕。而安集延之浩罕都城亦稱敖罕。一作豪罕論者遂以此譏椿園之謬妄。謂其移極北之回部於南方。實則轉音之淆訛而

不足深訛也。又聞見錄云。敖罕之人。種類不一。有與內地回子相似者。有與安集延相似者。有與土爾扈特相似者。有毛髮拳曲與我羅斯相似者。又一種人。亦回子衣帽。鬚繞頰如蝟而赤。染以茜。其人多力。善用木矛。西域人多畏之。又一種人。圓領大袖衣冠。類漢唐貌。清奇似朝鮮人。或謂是後漢之遺種云。又云。敖罕西域之大國。亦西域之亂邦。詐力相尙。日日皆逐鹿之勢。蓋自古而然云。余攷西洋人地圖。阿富汗境土縱橫皆不過一二千里。幅員既無莫大之勢。種族安得如許之繁。蓋其國本波斯所分。迨後由分而合。復由合而分。西域不知波斯國名。遂以波斯各部種類並歸之。阿富汗耳。泰西人亦稱波斯。客籍流

寓種類甚多。語音不一。有額力西者。即希臘有阿丹者。即阿刺伯有羅

汝者。

即羅馬

有都魯機者。

即土耳其

正與聞見錄所云相合。至兩國再

合再分。兵爭數起。又復時時內訌。迭相篡奪。所云日日皆逐鹿

之勢。殆不虛也。

俾路芝。

密羅既忽魯謨斯

北羅吉思布在阿富汗之南。亦回部也。東接西印

度。西接波斯。南臨印度海。東西約一千七八百里。南北約六七百

里。岡阜重疊。沙磧廣漠。田土甚瘠。僅敷耕食。時序和平。物產與阿

富汗畧同。國無王。分六部。曰薩拉彎。曰加支干達瓦。曰倭拉彎。曰

盧斯。曰美加蘭。曰古義斯丹。六部各有酋長。國小而強。習於攻戰。

與英吉利所屬之印度西部。時時構兵。互有勝負。

按俾路芝立國不知所自始。明初鄭和等使西洋，乃有忽魯謨斯國名。泰西人舊地圖，阿富汗俾路芝皆歸入波斯，不列爲國。蓋阿富汗本波斯東北境，則俾路芝自是波斯東南境。回族分爭，偶然割據，遂別成部落耳。又四裔考謂愛烏罕之南有思布部落，過思布亦海也。云云。正指俾路芝也。

波斯。白西○包社○巴社○高奢○百爾設○法耳西○北耳西亞○巴爾齊亞○伯爾西亞○伊蘭○哈烈○黑魯○塞克

回部大國，粵東呼爲大白頭，呼印度爲小白頭。兩地皆有白布纏頭之俗，因以爲名者也。東北連沙漠，界布哈爾，東界阿富汗，俾路

芝西接東土耳其，北抱裏海，與義羅斯接壤，南抵阿勒富海。俗稱東紅

海與阿刺伯毘連一隅，其國地界遼濶，長約四千餘里，廣約三千

里雄富多寶貨與中國貿易最早。所謂碧眼波斯胡也。立國在有夏之初。春秋時居魯士由馬太開基。稱雄一時。後與歐羅巴之希臘諸部。時時構兵。迨羅馬既興。猶太以西。囊括無遺。獨波斯未入版圖。其俗舊奉太陽火教。古時內地有火祆祠由此而來。唐初回教興於阿剌伯。波斯與之鄰國。爲所奪。由是爲回回。大部唐宋兩朝。屢貢方物。元末駙馬帖木兒據撒馬兒罕。富強無敵。今葱嶺以西裏海以東諸回部皆撒馬兒罕所屬。遣其子沙魯哈據波斯。稱哈烈國。明永樂間。嘗入貢。爲西域諸部之首。後爲土耳其部人所奪。傳二百餘年而衰亂。廢弑頻仍。尋爲阿富汗所兼并。康熙三十三年。故王後裔達馬斯募兵攻畧。恢復舊土。大將那的爾沙本盜渠。達馬斯倚以集事。賞不酬勞。遂舉兵。

反弑達馬斯代其位。攻阿富汗滅之。乾隆十二年。那的爾沙爲其
下所殺。國又大亂。東境復爲阿富汗所據。那的爾沙部將給靈據
西境立國。惠愛其民。稱爲賢主。在位三十年而卒。弟薩的謀鳩嗣
王。外戚亞里木拉以討亂爲名。起兵攻陷都城。殺薩的。并弑嗣王。
遂僭位。亞里木拉死。大會日非爾代之。寺人馬何美攻滅日非爾。
據王位。馬何美死。姪巴巴塞爾達耳繼立。今有國者不知爲誰。都
城周十四里。極鞏固。王宮壘石爲屋。平方若高臺。不用梁柱。瓦甃
中。敞虛空。數十間。窗牖門扉。悉雕刻花文。繪以金碧。宏麗無比。別
有園林池沼。尤極幽奇。國王最尊嚴。刑賞任意。視臣工如奴僕。土
肥沃。節候多暖少雨。產良馬紅棗白鹽銅鐵金銀琉璃珊瑚琥珀。

珍珠翠羽又產獅子獅子生阿木河即阿母河漢書稱為嬌蘆林

中初生目閉七日始開土人於目閉時取之調習其性稍長則不

可馴其民強健男女多美姿容風俗繁華好修服飾國尚武功交

戰殺敵必割耳以為信嘉慶十八年與我羅斯構兵敗績割北境

之日爾日部道光初年波斯欲窺印度度磧圍札布即布之希辣

城英人以兵拒之乃引還○波斯地分十一部中地之部曰以辣

亞日迷爾一作辣地多山阜都城曰德黑蘭建於北境之平原北方

三部極西北曰義蘭一作伊蘭稍東曰馬郎德蘭一作馬兩部皆

背負裏海前阻連山廕原衍沃林密草芳河流足資灌溉耕牧皆

宜義蘭在西域最著名昔有大城極富庶今廢東南曰達巴利斯

西域聞見錄云塞克西域一大國也在敖罕西絕非回子種類

稱其王曰汗部落數百各有統轄之人皆其汗之阿拉巴圖僕奴

也事權歸一無跋扈叛弑之事城池巨麗人民殷庶居室寬敞

整潔人家院落中各立木竿向之禮拜冬夏和平風俗坦白尙

宴會喜歌舞人多力善射與敖罕稱勍敵云論者極訛其謬

妄謂敖罕之西並無此國殊不知椿園之所謂敖罕者乃愛烏

罕並非安集延之敖罕所云塞克者卽波斯國也波斯開國最

早漢書稱爲安息唐書稱大食波斯泰西人記居魯士分國爲二兩子治之其一波斯本

國漢書所謂安息也其一泰西人未紀其國名考之漢書有烏

弋山離國在蜀賓之西南犁韃條支之東北似卽波斯所分國

蓋安息得其西北烏弋得泰西則稱爲波斯至今未改或譯爲

包社白西亦猶是波斯轉音元人稱爲哈烈乃以蒙古語更易地名其國在布哈爾之西南愛烏罕之正西並非絕域其人長於服賈西域諸城亦必往來數數而近來記西域事者絕無一語及於波斯蓋賈人止稱城邑聚落之名紀事者因訛襲謬遂不復知爲何國耳惟四裔考謂愛烏罕取默沙特諸部於伊蘭伊蘭卽義蘭乃波斯北部著名大城又首部名以辣亞日迷爾以辣亦音近伊蘭其爲指波斯無疑惟波斯亦奉回教而椿園謂非同子種類又謂去葉爾羌二萬里失之太遠皆傳聞影響之說不足深辨又云塞克西北與戕羅斯薩穆接壤或云與阿刺克等國犬牙相錯

云

云

今考波斯西北隅實與戕羅斯接壤

西與東土耳其接壤。所云薩穆當卽猶太之撒馬利亞。南界與亞刺伯隔阿勒富海相望。陸地亦毘連一隅。此云阿刺克卽阿刺伯指畫地界處處脗合。塞克之爲波斯尙何疑耶。

泰西人記波斯古事云。波斯立國最早。夏后不降時。其王有札的勞摩者。初造兵端。嘗侵厄日多。掠其財貨。

厄日多卽麥西詳阿非利加圖說

歷商及周。部落事蹟無攷。成周中葉。分數部有馬太者。波斯大部。其王有女。將嫁。夢葡萄生懷中。遍覆亞細亞地。疑女生子。將背叛已。而女產子。王命格殺之。使者不忍付牧人。牧人妻方生子而殤。乃乳哺王甥。爲己子。名曰居魯士。

一作西祿斯又作西洛

後王知

其不死。急捕之。不得。怨使者之給已也。烹其子而食之。居魯士

既長。英武過人。汎愛得衆心。時馬太王暴虐。國人側目。居魯士
因募兵攻王。王命將征之。將卽子被烹者。以全軍降居魯士。合
兵攻王。王敗走。死於荒野。居魯士遂王馬太。時周靈王五年也。
居魯士既得國。修法度。詰戎兵。兼并小弱諸部。聲威大震。時波
斯別部有呂底亞國。富厚甲於諸鄰。聞居魯士逐外祖父而自
立。欲伐之。其臣諫曰。馬太族貧而悍。得其地。無利於國。況其勢
方強。不可犯。王不聽。遂起兵。居魯士禦之境上。陳兵大戰。波斯
軍皆乘駝。而呂底亞軍乘馬。駝暗鳴。馬見輒反走。波斯軍乘
勢崩之。呂底亞軍大潰。逐北至都城。一鼓而下。擒其王。縛置積
薪上。將燔之。王大慟曰。悔不聽賢臣之言。以至於此。居魯士詢

得其故。惻然釋其縛。赦臣民。秋毫無犯。民大悅。舉國皆降。波斯

之西有巴庇倫。

一作巴必鸞。又作巴必羅尼亞。詳土耳其圖說。

據亞細亞地。

即土耳其東中兩土

後來自此以東皆謂之亞細亞

傳國已千餘年。其屬國有猶太者。

詳土耳其圖說

西土

文教之邦。壤地雖狹。四國皆欽重之。巴庇倫遇藩國無禮。猶太

不朝貢。周簡王年間。巴庇倫以大兵伐猶太。破都城。猶太王自

殺巴庇倫。縱兵淫掠。又脅遷其民。每猶太人千餘。間勁兵一隊。

鞭撻驅行。老弱轉死。數百里。僵屍相屬。哭聲振野。猶太人恨之。

次骨。每食必祝其速亡。居魯士既興。巴庇倫王淫虐無人理。國

大亂。猶太族日備壺漿待王師。周景王八年。居魯士大舉伐巴

庇倫。巴庇倫望風奔潰。破其郛城。巴庇倫亡。乃釋猶太民歸國。

居魯士北征卒於軍。分國爲二。兩子治之。後有乾鹿西王者。

一作

岡比斯

好用兵。嘗侵麥西。

又名厄日多詳阿非利加圖說

麥西。遣使招降。麥西

民殺使者。王怒。圍都城。破之。戮壯者二千人。并殺王之子。麥西

王僅以身免。後乃降附。王沈湎於酒。諫者輒射殺之。以妹爲妃。

孕乃蹴之死。有弟聰敏。忌而殺之。醉後舞劍。自傷其喉而死。無

子。有冒王弟者。欲繼立。國人殺之。羣臣議所立未定。約騎馬同

出。曰。馬先嘶者立爲王。已而大流士

一作達黎約

馬先嘶。遂卽王位。

時周敬王年間也。大流士有權畧。好征伐。巴庇倫叛。圍之一年。

八月。城破。釘其民千人於十字架。後伐希臘而敗。慚憤死。子澤

耳士

一作捨爾時期

嗣立。復以三十萬衆伐希臘。全軍皆覆。

語詳希臘圖說

國

勢遂衰。周顯王年間希臘馬基頓王亞勒散得以三萬五千人

伐波斯。波斯潰。馬基頓圍蘇撒。波斯都城城幾陷。會亞勒散得卒於

軍。希臘兵乃散走。亞細亞麥西諸地俱為希臘諸將所分割。西

漢時羅馬混壹西土。拓地至西里亞。即亞細亞以兵伐波斯。波斯以

奇兵絕其糧道。羅馬兵潰歸。波斯尋遣使修好。故羅馬之兵不

復東。漢書所云大秦即羅馬安唐初阿剌伯人摩哈麥創立回

教。因起兵攻阿剌伯。奪其國。時波斯衰弱。為摩哈麥所兼并。故

自唐以後波斯遂為回回國。

按上古時波斯天竺皆事火神。拂箴。即猶太以西皆事天神。事火

神者。拜旭日。或燃柴薪向之禮拜。民非火化不生。非白日則宇

宙無睹。故兩地之夷。上古卽有此俗。義起報本。非邪神也。事天

神始於摩西。時在有商之初。

沃丁年間

託言天神降於西奈山。

在阿刺伯

境內

垂十誡以教世人。七日安息禮拜。卽起於此。距耶蘇之生尙

隔一千數百年。乃天主教之所自出。非卽天主教也。天竺自佛

教興而祀火之俗改。今西域之乾竺特南印度之孟買仍有拜

火之俗。是其明證。波斯則自唐以前尙未改。後其國爲回部所

奪。始改從回教。然至今禮拜仍兼拜火神。故末惡與有太陽火

神古殿也。中國自前五代時有祆神祠。又有胡祆祠。火祆祠。唐

時有波斯經教。天寶四年詔改兩京波斯寺爲大秦寺。又有景

教流行中國碑。建中二年大秦寺僧景淨述。今考祆字从示从

天。卽天神其教起於拂箬。

卽猶太摩西初建此國耶蘇乃其裔孫

本大秦國之東

境。

大秦卽意大利里之羅馬國漢人因其人長大平正有類中國故稱爲大秦其本國並無此名

謂胡祆之卽

祆神。祆神之卽天神。

祆字本中國人所造西土不同文安得有此等字

而屬之大秦似

也。

拂箬自漢初隸羅馬至唐時乃爲阿剌伯所奪

是卽耶蘇教之嚆矢也。若火神教則

出自波斯與大秦無涉。謂爲火祆則已。混火神於天神。謂波斯

教出於大秦。則又遡本支於異姓。景教一碑尤爲荒誕。景教卽

火教。中間景宿告祥。懸景日以破暗。府亭午昇真。

云

皆指太

陽火也。又云判十字以定四方。七日一薦。

云

又牽涉天主教。

其所謂三一妙身。无元真主。阿羅訶者。不知何人。而一切詞語。

又皆緣飾。釋氏糟粕。非火。非天。非釋。竟莫名爲何等教矣。蓋波

斯之祠火神本其舊俗而佛教行於天竺乃其東鄰天神教行於大秦乃其西鄰至唐代則大秦之天主教又已盛行胡僧之黠者牽合三教而創爲景教之名以自高異中國不知其原委遽從而崇信之正昌黎所謂惟怪之欲聞者耳又碑中云貞觀十二年大秦國大德阿羅本遠將經像來獻上京阿羅德果自大秦來其爲天主教無疑其經當卽歐羅巴所傳之聖書福音其像當卽耶蘇被釘十字架之像乃當時不聞有此而其所謂景教者依傍於波斯之火神潤色以浮屠之門面是不可解也自唐以後佛教盛行胡祆火祆之祠波斯大秦之教俱不復見據泰西人所紀載惟阿非利加北土之阿北西尼亞尙有大秦

教名亦仍是波斯之火神教耳。

阿剌伯

亞拉彼亞○亞拉鼻亞○阿爾拉密阿○阿辣波

回教初

與之國也。北界東土耳其東界波斯及阿勒富海南距印度海西

抵勒爾西海

俗稱紅海

長四千餘里廣三千餘里其地西南濱海一帶

有腴壤中央皆戈壁

沙磧也

商旅必結隊以行否則虞盜劫且慮風

沙埋沒物產唯棗最多。人與畜皆食之。產名馬牧者愛養如兒子。

能一日行五六百里。駝尤良。負重行遠皆賴之。又產加非香料沒

藥之類。其地古時爲土夷散部。恒役屬於波斯。陳宣帝大建元年。

有摩哈麥者

或作摩哈默又作瑪哈穆特

生於麥加

一作默伽又作美加

少年爲商往來

西國。娶富商之寡。遂致大富。不識字而性聰敏。以佛教拜偶像爲

非而泰西諸國耶蘇教已盛行。思別創教門。以自高異。入山讀書。數年。著書曰可蘭。宣言於眾。謂獨一真主。上帝命聖者教化世人。初命摩西。次命耶蘇。兩人之教。雖行。然不能遍及也。復命摩哈麥。立教以補其缺。入其教者。焚香禮拜。念經禁食猪肉。唐高祖武德

四年。逃難於麥地拿。

一作默德那。又作美的納。

土人靡然從教。卽以是年爲元

紀。

今同教稱一千二百幾十年。卽本於此歐羅巴。則以耶蘇生年爲元年。故稱一千八百幾十年。

其後徒黨日衆。

不入教者。率眾攻之。兵敗。徒散。收合復起。遂滅大敵。據阿刺伯全

土。布其教於四鄰。鄰部皆畏而從之。回教遂蔓延西土。當其盛時。

嘗翦滅波斯。荐食羅馬。

猶太賢諾諸部。

據阿非之北境。

紅海地中海南岸諸部。

裂歐

羅之西垂。

西班牙。

縱橫三土。

亞細亞阿非利加歐羅巴。

幾於無敵。後爲土耳其

所攻屬藩盡失。日就衰微。卒乃納貢於土耳其。其稱藩國焉。西域稱摩哈麥爲派罕巴爾。華言天使也。其苗裔稱和卓木。華言聖裔也。巴達克山塔什干。皆其支派。而霍集占兄弟稱大宗。回部以爲貴種。所至輒擁戴之。黠虜藉其名。以號召回衆。數數犯邊。遂爲西鄙長患。云麥加麥地拿。皆在紅海之濱。摩哈麥生於麥加。其地有黑石。上作大殿。周一里許。麥地拿爲摩哈麥葬處。斂以鐵棺。每歲諸回。回來兩地禮拜。南洋西域泰西阿非利加近者數千里。遠者數萬里。接踵膜拜。以數萬計。○阿刺伯地分六部。首部曰黑德倭斯。都城曰麥加。建於山谷之中。夏屋雲連。街衢濶直。海口甚大。出運之貨。以加非爲主。販行歐羅巴各國。次日也門。曰亞達拉毛。曰呵

曼曰刺沙。曰內德惹。其海口在西方者曰熱他。富商所萃。在東方者曰木甲。與英吉利。米利堅。定約通商。以兵船巡海護之。○亞丁小島也。在紅海口門之外。現爲英人所據。

按阿刺伯。古條支國也。回教旣興。乃有天方天堂等名。皆花門誇耀之稱。比其國於天上。其實本無此名。其國在波斯之西南。前明時累次朝貢。多由西域陸路來。明初鄭和等由海道使西洋。至天方而止。稱爲西洋盡處。彼蓋由印度海駛入紅海。遂以爲海盡於此。而不知小西洋之外。尙有所謂大西洋也。佛教興於印度。以慈悲爲主。以寂滅爲歸。中土士大夫推闡其說。遂開禪悅一派。摩西十誡。雖淺近而尙無怪說。耶蘇著神異。

之迹。而其勸人爲善。亦不外摩西大旨。周孔之化。無由宣之。重
譯彼土聰明特達之人。起而訓俗。勸善其用。意亦無惡於天下。
特欲行其教於中華。未免不知分量。摩哈麥本一市僧。忽起而
創立教門。其禮拜與天主教同。所別異者。僅不食猪肉一端。而
其獸處無倫。則又爲泰西諸國之所唾棄。乃自李唐以後。其教
漸行於西域。今則玉門以西。盡亞細亞之西土。周迴數萬里。竟
無一非回教者。鷓鴣。鼠。蜈蚣。甘帶。孰爲正味。正難深求於侏
儻之俗矣。

考泰西人所刻地圖。及所著書。五印度之西。土耳其東土之東。
土耳其東土。卽西里亞。猶太諸地。在大秦國之東境。止有波斯一國。阿富汗。俾路芝。皆波

海
斯地乃近代所分割。非古建國。稽之前後漢書。出莎車南道。西
踰葱嶺。爲大月氏安息諸國。毘連者爲罽賓。烏弋山離。條支諸
國。證以泰西人地圖。波斯西南之阿剌伯。東界阿勒富海。俗名東紅
海。南界印度海。西界勒必西海。俗名紅海。惟西北一面通陸路。與漢
書條支傳所云。海水曲環其南。及東北三面路絕。惟西北隅通
陸道者。一一脗合。是條支之爲阿剌伯。確鑿無疑。又前漢書安
息傳。北與康居。東與烏弋山離。西與條支接。又稱其國臨媯水。
商賈車船行旁國。又後漢書大秦傳。稱大秦王欲通使於漢。而
安息欲以漢繒綵與之交市。故遮遏不得自達。今考波斯東北
界有沙磧。臨阿母河。卽古之媯水。其西界接土耳其。東土正古

大秦國東境。由大秦通漢。舍此別無道路。是今波斯之爲安息。亦無可疑也。惟大月氏。罽賓。烏弋三國。爲今何地。迄無定論。或謂愛烏罕爲大月氏。北印度爲罽賓。中印度爲烏弋山離。殊未的確。大月氏本湟中行國。爲匈奴所破。西擊大夏。而臣之都嬌。水北爲王庭。今考嬌水卽阿母河。源分十數支。皆在雪山之北。葱嶺之西。滙流之後。西北行約二千餘里。又北折行約千里。而入於鹹海。在裏海之東。非裏海也。大月氏王庭。旣在嬌水之北。則其部曲自在嬌水左右。乃今布哈爾境土。愛烏罕在嬌水之南。距嬌水尙遠。以地勢攷之。似卽古之罽賓。其地與印度之克什米爾接壤。風土物產亦相類。以罽賓爲北印度。始於唐釋旌奘證之。新

唐書殊爲未合。新唐書曰：天竺居葱嶺南，幅員三萬里，分東西南北中五天竺。南天竺濱海，北天竺距雪山，圍抱如壁。東天竺際海，與扶南林邑接。西天竺與罽賓波斯接，指畫地界，確鑿分明，證以泰西人地圖，亦絲毫不爽。罽賓爲天竺接界之國，則其不在天竺界內，不待辨而明矣。旣在天竺之西，則其爲今之愛烏罕，又不待辨而明矣。如舉北印度而屬之罽賓，則天竺有東西南中而無北，何以謂之五天竺？不曰北印度卽罽賓，而曰與罽賓接，是二非一。彰彰明甚。烏弋山離國，前漢書稱東與罽賓北與撲挑西與黎軒條支接。後漢書稱自皮山西南經烏秣涉懸度，歷罽賓六十餘日，行至烏弋山離國。又西南馬行百餘日。

至條支是其國在蜀賓之西南條支之東北乃今俾路芝及波斯極南境黎軒卽黎鞞大秦國之別名其東境正接波斯條支卽阿剌伯其西北隅亦接波斯波斯卽漢之安息若謂烏弋卽中印度則中隔數千里之安息何由得與黎鞞條支接耶五印度西界有印度河河西山岡連屬是卽天竺與迤西諸國天然界限若謂蜀賓爲北印度烏弋爲中印度西印度亦必包於兩國之中是所謂天竺者將專指東南兩印度乎且漢書明列蜀賓烏弋天竺爲三國今乃割天竺之大半屬之蜀賓烏弋而令天竺本國轉無位置之處恐孟堅蔚宗無此紕繆文法也又天竺傳稱從月氏高附國以西南至西海東至磐起國皆身毒之

地身毒有別城數百。城置長。別國數十。國置王。雖各小異。而俱
以身毒爲名。磐起不知爲何地。高附別有傳。云在大月氏西南。
本屬安息。及月氏破安息。乃得高附。云度其地總在附近印
度河一帶。曷嘗云西至。剽賓烏弋皆身毒之地。俱以身毒爲名。
乎。又天竺傳稱天竺在月氏之東南數千里。曷嘗曰在剽賓之
南。烏弋之東乎。諸胡弱肉強食。一彼一此。數十年即有變更。而
大地山河萬古不易。按圖而稽。固厯厯可攷耳。

後漢書東漢和帝永元九年。西域都護班超遣掾甘英往通大
秦。抵條支。臨海欲渡。安息西界船人告以海水廣大。往來須齎
三歲糧。英疑憚而止。大秦屢欲遣使於漢。爲安息遮遏不得通。

桓帝延熹九年其王安敦遣使自日南徼外獻象牙犀角瑇瑁

始得一通

云

考泰西人地圖安息即今之波斯條支即今之

阿刺伯東漢時大秦

即意大里之羅馬

正當全盛未分東西

詳意大里圖說其

國都在意大里之羅馬東境至西里亞猶太

即唐書之拂菻國

與安息

接壤若由安息往大秦渡嬌水入安息境約三千餘里

即今波斯

已入大秦東境

今土耳其東土美索不達迷亞部之巴索拉地

再西北行約三千餘里

今土耳其東土中土

渡海峽

即君士但丁黑海峽口

歷希臘之北境

今土耳其西土約二千

里至意大里之東北境

今舉地利亞地

又西南行千餘里即至大秦都

城

即今羅馬

計陸路萬里而近自西里亞以西皆大秦地漢書所云

從安息陸路繞海北行出海西至大秦人庶連屬十里一亭三

十里一置。從無盜賊寇警者。的確不誣。又云。道多猛虎獅子。遮害行旅。不百餘人。齎兵器。輒爲所食。按西里亞以西。皆大秦名都大邑。四達通衢。安得有猛獸遮害行旅。蓋安息貪繒綵交市之利。必不欲大秦之通漢。故爲此誕說。以阻漢使之西行。所謂遮遏不得通者。此也。若由條支從海道往。則阿非利加之大浪。山一路。自明以前。未通舟楫。卽今歐羅巴諸國貨船往來之歐路。明宏治間。葡萄牙始創行之。羅巴東來。海道率取道於地中海。紅海。條支都城在麥加。乃紅海北岸。漢書云。條支城在山上。周迴四十餘里。正今之麥加城也。而其東境。又臨阿勒富海。甘英所臨之海。未知其爲阿勒富海。抑卽紅海。若爲阿勒富海。則須繞條支三面之海。計水程六七千里。至紅海之尾。而海盡。

行陸路一百七十里。地名蘇爾士至地中海之東南隅再登舟。

西駛約六千餘里而抵大秦都城。即羅馬計水程約一萬三千餘

里。若所臨係條支都城之紅海則西北駛千餘里已至紅海之

尾計水程不足萬里中間隔陸路一百七十里不能一帆直達。

明以前歐羅巴大船不能直抵中國即因此阻隔海國聞見錄所謂恨不用刀截斷者也近年英吉利用火輪船遞送文報皆

由此路地中海另然舍此別無道路計其水程速則四五十日

有火輪船接遞遲亦不過兩三月半載儘可往返何至須齎三歲糧蓋安息總

不欲大秦之通漢故使西界船人。麥加距安息已遠甘英所設臨之海當係阿勒富海也設

此詞以難之甘英憚於浮海遂中止耳至安敦之入貢由日南徼外即今越南南境之占城一帶乃由紅海駛入印度海東南

行至蘇門答臘噶羅巴之巽他海峽轉而北行入南洋抵越南之南境。今歐羅巴諸國來粵東繞阿非利加至印度海後亦由此路。若從陸路須由日南歷暹羅緬甸抵東印度。越中印度至西印度。無論中間歷數十番部使幣難通。而西印度以西仍須經遮遏之安息方達大秦東境。故知其必由海道無疑也。○大秦國之北方亦有陸路可通中國。須從舉地利亞東北行。歷戎羅斯南境至裏海之北岸。轉而東行。歷西域游牧城郭諸部。可抵玉關。此則不入安息境。無從遮遏之矣。然兩漢時大秦北境至日耳曼而止。舉地利亞以東以北皆匈奴別部。時戎羅斯尚未立國時擾大秦邊境。斷無可通之理。故通中國惟安息一路。旣爲所遮。

過不得不由海道也。

西回

域部

各圖

界斯羅義

界斯羅義

界斯羅義

部左克薩哈

多科布

部中右克薩哈

泊什噶爾巴

塔爾巴
哈台

泊爾特穆

犂伊

烏喀庫爾

木齊

沙爾喀拉

山天

阿克蘇

嶺水

烏什

楚巴爾

喀什

沙爾英吉

魯東布

魯西布

魯特

安集延

納
瑪爾噶朗

壁戈大

聞和

羌葉爾

特三乾

魯東布

魯西布

魯特

克拔達

富罕

雪山
米爾

度北印

提勤巴

藏後

藏前

阿里

倫札
布什

拉布達

度印東

雪山

雪山

界斯羅義
克薩哈北

界斯羅義

界斯羅義

部西右克薩哈

干什塔

河林納

爾哈布

布哈爾

科拉普

浩罕

河林
納木干

霍吉

富什

爾哈布

布哈爾

河母阿

布哈爾

河母阿

爾哈布

爾哈布

界汗窩阿

界度印

印度河

此一帶回部
有軍突機窪等名部落未詳

海蘭江即阿爾里達

布哈爾
阿母河

界斯波

爾哈布

界斯波

界斯波

喀爾士畢安即裏海

義羅斯界

霍集占相繼畔亂。應時戡定。於是天山以北之準部。天山以南之回部。遍列戍屯。凡漢志所云西域諸國。隸版圖者十六七。義羅斯當元氏之衰。崛起西北。其國都在歐羅巴之波羅的海。隅漸拓地。東南至亞細亞黑海之東岸。再拓而東南至亞細亞裏海之北之西。泰西人所刻地圖。新疆回疆後藏之西。義羅斯之南之東。波斯阿富汗。印度之北。統名之曰達爾給斯丹。又謂之韃韃里。或作達達韃韃里者。游牧行國。無城郭室廬。歐羅巴人罕涉其地。故韃韃之轉音不詳其部落之名。綜其大勢。東起葱嶺。西抵裏海。泰西人稱為喀爾士畢安一作加斯。不過四五千。里。南起波斯阿富汗。印度北抵義羅斯界。亦不比約。不過四五千。里。其間部落之大者。不過六七。東北多行國。西南多城。

郭國諸書博引繁稱。半多舛悞。今就其可據者言之。

泰西人紀載有軍突機窪

等名大約在鹹海裏海之間其境土國勢未詳故未立傳

哈薩克。回部之大者也。東北界科布多所轄之烏梁海。迤南界塔爾巴哈台。東南界伊犁。北界義羅斯。西南界塔什干。浩罕。布魯特諸部。地分三部。左部曰鄂爾圖玉斯。在伊犁之西北。右二部亦稱中部。西部中部曰齊齊玉斯。西部曰烏拉玉斯。兩部在伊犁之正西。乾隆二十年。準部底定。阿睦爾薩納叛逃左部。誘其汗阿布賚合兵拒戰。我軍擊破之。左部遂降。中西兩部亦詣軍門納款。皆授王公台吉世爵。三年一貢。歲一市。以馬羊易緞布。而稅其百一。左部自古爲行國。逐水草游牧。與準部蒙古同俗。而從回教。右二部

則有城郭。右二部之北。別有部曰北哈薩克。以寇鈔爲俗。時侵掠
義羅斯邊境。義設兵防之。

布魯特分東西部。東部五。在天山北準部之西南。舊游牧於特穆
圖泊左右。部長稱鄂拓克。後爲準部所逼。西遷寓安集延。王師定
伊犁。乃復故地。乾隆二十三年。率戶口歸附。散處新疆回疆卡外。
西部十有五。在葱嶺之西。與哈薩克浩罕拔達克山毘連。每部所轄
多者千餘戶。少者二百餘戶。共二十餘萬口。以額德格納部爲之
長。二十四年歸附。各授其頭目品官。凡二品至七品。貢市如哈薩
克之例。兩布魯特皆游牧行國。而奉回教。與哈薩克左部同俗。性
剽悍。喜擄掠。

則有城郭。右二部之北。別有部曰北哈薩克。以寇鈔爲俗。時侵掠
義羅斯邊境。義設兵防之。

布魯特分東西部。東部五在天山北準部之西南。舊游牧於特穆
圖泊左右。部長稱鄂拓克。後爲準部所逼。西遷寓安集延。王師定
伊犁。乃復故地。乾隆二十三年。率戶口歸附。散處新疆回疆卡外。
西部十有五。在葱嶺之西。與哈薩克浩罕拔達克山毘連。每部所轄
多者千餘戶。少者二百餘戶。共二十餘萬口。以額德格納部爲之
長。二十四年歸附。各授其頭目品官。凡二品至七品。貢市如哈薩
克之例。兩布魯特皆游牧行國。而奉回教。與哈薩克左部同俗。性
剽悍。喜擄掠。

築屋而居。有村落。無文字。與諸回部語言不通。惟衣帽與安集延相倣。人皆深目高鼻。濃髭繞喙。男多女少。恆兄弟四五人共娶一妻。生子女次第分認。無兄弟者與戚里共之。土半沙鹵。故其人苦貧。地多桑。取甚曝乾爲糧。飲山羊之乳。以馬湮爲酒。稱其酋曰比。以人口爲賦稅。生子女納其半。賣於各回城爲奴婢。值頗昂。每口以五六十八九十金爲率。

乾竺特

或作退擺特

別一種族。在葉爾羌南。地與後藏相接。無城郭宮

室。鑿山爲穴以居。種米麥以食。亦有以游牧爲生者。人蓄辮髮耳。綴金環。其俗敬火。每晨以柴燒火。向之禮拜。地鹵斥鹵者。僅自給。貧者多傭工於他國。稱其酋曰汗。汗亦貧甚。惟取所部子女鬻於

各處取其值以自贍與博羅爾相似。

巴勒提。

一作巴爾替又作哈拉替良

在博羅爾南重山複嶺之中人戶寡弱不

足六七千有屬邑曰哈普倫稱其酋曰比俗遵回教不蓄髮不食

猪肉衣帽語言與安集延同以游牧爲業冬日嚴寒覓山坳溫處

以蘆荻結寮人畜共處其中十月雪已盈丈三月雪消始出地產

獨峯之駝。

浩罕。

一作敖罕又作豪罕又作霍罕

俗稱安集延回部城郭之國也地在葱嶺之

西有四大城俱當平陸最東爲安集延與布魯特毘連其人長於

心計好賈遠游南北各城處處有之故西域盛稱安集延今遂爲

浩罕種人之名從安集延西百有八十里爲瑪爾噶朗城又西八

十里爲納木干城。

一作奈曼

又西八十里爲浩罕城。其汗居之。四城皆

濱那林河岸。又所屬小城三。曰窩什在東南。曰霍占在西南。曰科

拉普在西北。近年塔什干亦附之。故浩罕又稱八城云。元人所置

撒馬兒罕城在浩罕城西。今成廢墟。浩罕風俗畧同南路諸回城。

而驚勇過之。性最陰狡。習於攻掠。西南與布哈爾毘連世爲勍敵。

乾隆二十四年。大軍追霍集占。霍集占欲投安集延。安集延不納。

其酋額爾德尼旋奉表貢馬。其後霍集占兄弟爲巴達克山所殲。

波羅尼都次子薩木薩克逃赴浩罕。故浩罕有逆酋遺孽云。

西域卡外諸回部。哈薩克最馴擾。布魯特好鈔掠。而部落瓜

分不相統一。其餘或寡弱或荒遠。俱不能爲邊患。獨浩罕一部。

毘連布魯特附近吾圉其人長於服賈心計精密卡內之南北
各城卡外之回部各國足迹無不到之地性貪而狠狡焉思啟
子女玉帛之所在刻刻垂涎逆酋波羅尼都遺種於茲浩罕藉
其和卓之名居為奇貨和卓或作霍卓華言聖裔也其初祖摩
哈麥創立回教稱派罕巴爾華言天使
也其子孫分布西域稱為和卓木以其為教祖貴種回人皆敬信之頃遂擁逆裔張格爾誘脅布
魯特攻陷四城括其蓄積捆載而去嗣復擁玉素普鈔掠喀城
蓋其虎狼之性躋跖之謀乘機即發而布魯特愛曼聚落也散處
本以寇鈔為俗聽其驅役嘗為先導是此時邊防之最亟者惟
此虜爾

塔什干

一作塔什罕

亦城郭回部在浩罕之西北與哈薩克右部毘連

地處平原多園林饒果木土宜五穀民居稠密舊為右哈薩克屬部乾隆二十三年遣使奉表求內屬尋入貢後又附浩罕為屬城蓋其國介哈薩克浩罕之間弱小不能自立故兩部皆得役屬之云由塔什干踰錫爾河又逾納林河為賽瑪爾堪城即撒馬兒罕今在浩罕境內又西南為噶拉克則城又西為烏爾根齊城兩城當是布哈爾地又西臨達里岡阿泊即鹹海

布哈爾布噶爾○札布○笨札布○甲不回部大國也東接拔達

克山諸部東南連北印度之克什米爾南界阿富汗西南界波斯

北境與浩罕接壤包浩罕西界抱鹹海而達裏海幅員之恢闊諸回部殆無與比東境多山嶺西界有大戈壁沙磧也有城郭而兼游

牧戶口不繁。部落甚多。屬城有鄂勒推帕。疑卽西域聞見錄之郭罕濟雜克拜。

爾哈噶斯呢等名。匪阿母河兩岸皆布哈爾境土。元人所置行省。

者也。其地氣候頗炎。冬無大雪。產五穀瓜果。又產骨重羊。俗長騎。

射。與浩罕時時構兵。鄂勒推帕部山徑斗絕。人強悍。尤浩罕所忌。

云。或云已爲浩罕所破乾隆二十九年。因巴達克山請內附。道光十九年。義。

羅斯欲窺印度。密差頭人至布哈爾。使與英吉利印度屬國構兵。

英人率兵入險。講和而罷。

按西域諸國。布哈爾最大。其地西接波斯。東連印度。爲西南回。

部之樞紐。道光二十年。粵東譯出英人新聞紙。卽月報有云。五月。

十四日。接印度來信。論及義羅斯欲攻打印度之事。蓋我英國。

之印度兵攻取興都哥士山即雪南邊各部落而義羅斯邊境

在此山之北。三年前尚有回部四五國亘隔。今止隔一大山而

已因布哈爾已附義羅斯故云止隔一大山義羅斯近日直攻至韃韃里之機窪韃韃

里即游牧回部機窪一作基瓦又皆因我等攻取阿付顏尼部

作其襪當在鹹海之西裏海之東即阿富汗尼士丹又故義羅斯亦攻至荷薩士河即阿已約木

哈臘即布哈爾同取阿付顏尼部以攻打印度為我兵頭沙阿力山

及馬約里治堵禦故計不行義羅斯前在希臘即額里士歐與

包社人即波斯立約欲收復阿付顏尼以攻取印度亦因我兵頭

律勿蘭所拒後詭稱收回逃散奴僕攻取機窪及木哈臘人皆

謂義羅斯得此二地布哈爾不聞有并入義羅斯之事大約歸附為屬國耳當必退兵乃

又使人日日學習印度事務。又與木哈臘人立約。同取阿付顏

尼。不知義羅斯人要何地方。肯住手。義羅斯人曾以兵威自

黃海。

即波羅的海

攻至黑海。

即勒必西海

一帶地方。以廣其國境。所以今

日必要隄防其在荷薩士河駐扎之兵。

云

又英人所著萬國

地理書云。道光十九年。義羅斯私差奸人至甲不。

即布哈爾

兜攬事

情。遍滋事端。

云

即此事也。余按義羅斯近年疆土日廣。其國

之南境已盡裏海之西北兩岸。由裏海之北岸直趨東南中間

所歷之韃韃回部。如機窪之類。皆冗弱無足比數。戎馬往來如

若無人。布哈爾較大。實為東道關鍵。故義羅斯脅而降之。以為

進窺印度之計也。英人之取印度也。由海。義人之窺印度也。由

陸○論○巧○則○我○不○如○英○量○力○則○英○不○如○我○兩○國○之○在○西○土○可○稱○勛○
敵○數○十○年○後○當○不○知○作○何○變○動○矣○

西○域○諸○回○部○七○椿○園○西○域○聞○見○錄○言○之○最○詳○官○書○如○一○統○志○四○
裔○考○之○類○世○不○經○見○遂○以○此○錄○爲○典○要○而○不○知○其○訛○謬○駁○踳○殆○
不○止○一○二○端○也○按○噶○爾○之○荒○唐○退○木○爾○沙○之○謬○誤○人○皆○知○之○愛○
烏○罕○之○訛○爲○敖○罕○波○斯○之○訛○爲○塞○克○圖說見前議○者○徒○知○掊○擊○卒○未○

有○遡○其○原○委○而○爲○之○辨○明○者○其○所○稱○大○西○洋○諸○國○大○半○影○響○惟○

西○域○之○博○羅○爾○退○擺○特○

卽乾竺特

哈○拉○替○良○

卽巴勒提

三○部○言○其○土○俗○頗○

詳○足○補○官○書○之○所○未○備○餘○則○不○足○深○考○矣○又○新○疆○識○畧○及○西○域○
水○道○記○所○載○諸○部○落○之○名○距○回○疆○較○近○者○曰○滾○曰○綽○禪○曰○差○特○

拉勒

一作沙
克拉

曰赫斯圖濟曰羅善曰克什南

即西域聞見錄曰
所云沙關記也

曰

達爾瓦斯距葉爾羌十三站至十八站不等皆雜冗小回部錯

處於布魯特浩罕之間稍遠者曰依色克曰差普雅曰渾塔斯

曰塔爾罕

以上四部似是
布哈爾屬部

皆距回疆二十餘站至三十餘站不

等至若瓦罕爲巴達克山之屬城哈普隆爲巴勒提之屬城窩

什霍占科拉普爲浩罕之屬城鄂勒推帕濟雜克拜爾哈噶斯

呢爲布哈爾之屬城堪達哈爾爲愛烏罕之屬城賈人往來喀

葉諸城多稱其城邑之名而不復稱其國土之名遂致茫昧紛

紜不可辨識其地形方向諸書或同或不同不敢意爲位置也

葱嶺之塞勒庫爾東流入羅布泊

即星宿海

所謂崑崙河源者也其

葱嶺以西之水分三大支。一支發源後藏西流至克什米爾西界轉而南行。會北印度諸水。至西印度之信地入大海。所謂印度河也。其餘兩支皆自東而西南。一支爲阿母河。泰西稱亞木達里亞。發源葱嶺。會布哈爾境內諸水。西行二千餘里。北折入於鹹海之南。北一支爲納林河。泰西稱西爾達里亞。發源葱嶺。會北方諸水。西行二千餘里。入於鹹海之北。鹹海又名死海。西域稱達里岡阿泊。泰西稱亞拉爾。南北約六七百里。東西約二三百里。水鹹凝結成鹽。不通大海。故名死海。鹹海之西約千里有大澤。曰裏海。泰西人稱喀爾士畢安。一作加斯比約。南北約三千餘里。東西約千里。所受者西北諸國之水。汪洋似海而不通。

大海故名裏海。其東岸爲西域回部極西之境。逾裏海而西卽
俄羅斯東南境。與波斯西北境。世多以裏海爲雷菴海。誤矣。按
水經注稱。媯水入雷菴海。媯水卽今之阿母河也。嘗見泰西人
地圖。大二尺許。畫阿母河極詳細。由東南發源。支流從兩岸匯
入者十六道。行千餘里。乃成獨流。向西北行約二千里。又北折
行約千里。入於鹹海。將入鹹海。先匯爲小湖。由小湖北注。洲渚
錯雜。摹繪極細。然則媯水所入之雷菴海。其爲鹹海無疑矣。裏
海在鹹海之西。絕不相通。較之鹹海大幾十倍。東來之水盡入
鹹海。亦絕無涓滴入於裏海。蓋昔時止知有雷菴海。迨泰西通
中國之後。始盛傳裏海。遂以爲非裏海不足當雷菴海之名。而

不知其渺不相及也。惟前漢書稱康居西北可二千里。有奄蔡。國臨大澤無涯。此則爲裏海無疑。卽以是爲史籍言裏海之始。可矣。



Folio
PL 2724
.H86
v. 2

Library of the Theological Seminary,

PRINCETON, N. J.

Division.....IV.....

Section.....7.....

Shelf.....

Number.....2.....